



Universitätsbibliothek Paderborn

Theologia Moralis

Antehac ex probatis Auctoribus breviter concinnata

Busenbaum, Hermann

Coloniæ Agrippinæ, 1707

Q. 40. Quid sit unum motivum elidi ab altero, & quandonam hoc fiat.

urn:nbn:de:hbz:466:1-42634

261 Q. 40. *Quid sit unum motivum elidi ab altero opposito, & quandonam hoc fiat. R.*

§. I. *Tum dicitur unum motivum elidi, si propter alterum oppositum amittat vim permovendi intellectum ad prudentem assensum, v.g. si unus testetur Cajum priore anno esse mortuum, & tres alii fide dignores testentur se hoc anno vidisse vivum, testimonium primi eliditur.*

262 §. II. *Motivum alias probabile eliditur per motivum certum illi oppositum, hinc si sententia aliqua hactenus fuit probabilis, nunc autem contra eam inventæ sint rationes evidentes, vel ab Ecclesia declarata sit esse falsa, omnis probabilitas eliditur, quia motivum non amplius aptum est determinare intellectum ad prudentem assensum.*

263 §. III. *Motiva opposita incerta & dissimilia non elidunt se perfectè: Probatur, in primis ex S. Aug. Epist. 117. c. 3., ubi disputat, an quotidie sit communicandum; pro parte negativa adducit, quod magis expedit se certis tantum diebus tanto melius disponere; pro affirmativa, quod quotidie pecemus, hinc quotidie indigeamus medicinā: concludit, ut faciat quisque, quod piè credit faciendum: ergo agnoscit pro utraque parte manere sufficiens motivum ad honeste operandum, & consequenter unum non elidi ab altero. Idem docet Cap. in Canonice, dist. 19. ubi loquens de receptione Scripturarum Canonicarum ait, in eis, quae non accipiuntur ab omnibus, (Ecclesiis) præponat eas, quas plures gravioresque accipiunt, eis, quas pauciores minorisque auctoritatis Ecclesiae tenent: si autem alias invenerit à pluribus, alias à gravieribus haberi, quanquam hoc inveniri vix possit, aequalis tamen auctoritatis esse habendas puto: ubi manifeste docet, quod motiva auctoritatis, unum propter plures*

plures numero sed non ita graves , alterum propter graviores sed numero pauciores , se mutuo non elidant , sed maneant æqualiter fortia : Deinde idem evincunt omnia argumenta allata à n. 239. Præterea id probat experientia , nam qui tentatur in fide , experitur se trahi motivis , tum ad assensum tum ad dissensum , & licet agnoscat motivum fidei censi debere majus , tamen etiam experitur se propter motivum oppositum posse motivo fidei dissentire , fierique positivè infidelem : & idem est de illo , qui potest vel bene vel male judicare de proximo , experitur enim se utroque trahi , & posse utroque per moveri , si voluntatis imperium accedat , ergo evidens est , quod ejusmodi motiva incerta & dissimilia se mutuo non elidant : *Ratio à priori* est , quia motiva dissimilia mutuo se excedunt secundum quid , id est , unum habet aliam specie vim & rationem movendi , quam non habet , & cui directè non opponitur alterum , ideo enim dicuntur dissimilia , ergo non potest unum perfectè elidi per alterum , quia nempe in singulis manebit illa specie diversa & quasi disparata vis ad movendum intellectum ; quod maximè valet , si nesciatur , quodnam sit absolute potentius , nam vis utriusque videbitur vim sui oppositi excedere , ergo manifestum est vim neutrius elidi . *Conf.* nam si motiva majora elidunt minora , ergo sententia , pro qua sunt motiva majora , erit certa quodammodo & altera improbabilis , quod est contra suppositum , nam loquimur de conflictu probabilioris cum probabili .

§. IV. Motiva tamen ejusmodi opposita se imperfectè elidunt , hoc est , hoc & illud minus movet in præsentia sui contrarii , uti experientia constat , plus enim moverent singula , si solitariè cognoscerentur , licet utrumque adhuc sufficienter moveat in

ordine ad persuadendum intellectum : & in hoc concursu motivorum fundatur libertas opinandi quoad speciem, sive assentiendi & dissentiendo, prout accesserit impulsus ex parte voluntatis , uti iterum probat experientia, & dicetur à n. 398. & 414.

265

§. V. Motiva similia & æqualia se perfectè elidunt, id est, si vis movendi unius sit æqualis vi movendi alterius, & ob similem ac sibi mutuo directe oppositam rationem moveant, neutrum retinet vim simpliciter permovendi intellectum, quia quidquid assertur pro una parte, cognoscitur habere aliud æquale prorsus simile contrarium , ergo intellectus fiet immotus, sicuti si duo pondera planè similia sint in lancibus, aut si duo equi æquè fortes trahant in oppositas partes, reddunt libram vel currum immotum : hoc tamen non obstante poterit voluntas imperare assensum ad unam partem præ altera, sed quia ex parte intellectus neutrum motivum in hoc concursu erit sufficiens, assensus non erit rationabilis sed imprudens ac merè voluntarius.

266

§. VI. Motivum minus , si sit simile , id est, ejusdem rationis, & directe oppositum motivo majori, ab hoc eliditur, uti sequitur ex jam dictis , & exemplum datum est n. 261. ; notari tamen debent dicta à n. 243. & dicenda à n. 398.

267

Objicies. Hic actus est probabilis , *omnis mater diligit filium*, iste est improbabilis, *Iesus diligit laudentem*, ergo si hæc motiva probabilitatis, quamvis dissimilia , se non elidant, hic actus, *mater Iesa diligit filium laudentem*, erit probabilis & improbabilis. R. iste actus, *Iesus diligit laudentem*, est improbabilis, per se loquendo & plerumque , c , in omnibus circumstantiis & semper, n , nam si sit de subjecto maximè disposito ad diligendum, uti est mater, ex hoc motivo , quia persona Iesa est mater, poterit esse proba-

probabile, quod nihilo-minus amet filium laeden-
tem. Suppositis dictis sit,

*Q. 41. Quibus argumentis probetur licitum esse
sequi opinionem probabilem reliq[ue] probabiliore. R.
seqq.*

§. I. Auctoritate SS. Canonum & Pontificum:
nam Cap., *Ego solis*, dist. 9. expressè dicitur ex S.
Aug., rationes probabiles sufficere ad regulandum
judicium prudens; Cap., *sicut quædam*, dist. 14. ex
S. Leone dicitur, *In his & quæ vel dubia fuerint vel
obscura, id non erimus sequendum, quod nec præce-
ptis Evangelicis contrarium, nec decretis SS. PP.
inveniatur aduersum*; ex quo textu haec sententi-
am probat S. Anton. apud Eſp. in app a. 159., similiter
Inn. III. cap. Inquisitioni de sent. excom., de con-
juge credente matrimonium esse invalidum, ait,
*Cum conscientia pulsat animum ex credulitate pro-
babili & discreta, quamvis non evidenter reddere
potest sed petere non potest debitum*: Cur autem pe-
tere non possit, putat Arr. esse ob hanc ipsam pro-
hibitionem Ecclesiæ; Sanch. & alii putant etiam
posse petere, si bonâ fide contraxerit, potestque vi-
deri de matr. l. 3. d. 41. à n. 45 & totâ d. 44. Item
Eſp. a. 179. Plures etiam Pontifices processisse se-
cundùm opinionem sibi visam minus probabilem,
ostendit Carden. in 1. crisi d. 15. c. 2. a. 7., sufficit,
quod testatur D. Sot. in 4. dist. 27. q. 1. a. 4., nem-
pe Adrianum VI. propter unius Cajetani auctori-
tatem & contra propriam opinionem dispensasse in
matrimonio rato.

§. II. Communi consensu DD., nam ex omni-
tate, statu, conditione afferri possent pro hac sen-
tentia Auctores typo editi plures quam 160. teste
Arrd. T. 2 p. 2. tr. 1. c. 1. princi. 17. & c. 2., Teril.
hic q. 22. citat eorum 200. plerosque à se inspectos:

I 3

269 -

Gob.